

Акафист святым девяточисленным мучеником, иже в Кизице.

Кондак 1

Избранныи от Царя Сил, Господа Иисуса, страсотерпцы Христовы девяточисленнии, от различных стран в граде Кизице во едином собраннии и Христа дерзновенно, мук и смерти не убоившися, исповедавши, торжествуем духовно во святом празднице вашем и, воспевающе благодатную терпения вашего доблесть, молим вас, вои Христовы многострадальнии и утверждении в воли Христовей, и нам спасения испросите, зовущим: Радуйтесь, прехвальни мученицы Христовы девяточисленнии.

Икос 1

Яко Ангели премирнии, вознесшися мыслию от земных к небесным, ко Христу, Владыце всех, непрестанно веры очима взирающе, мученицы святии, Руфе, Антипатре, Феогниде, Феостисе, Артемо, Магне, Феодоте, Фавмасие и Филимоне, посреде кумирслужителей града Кизического исповедасте себе безбоязненно христианы быти и, силою Божиею укрепляеми, многия муки мужественно за Христа претерпесте и под меч главы ваша преклонисте, темже, ублажающе страдания ваша и усекновение, глаголем:

Радуйтесь, земныя радости презревши;

радуйтесь, благ небесных возжелевши.

Радуйтесь, исповедницы Христовы непобедими;

радуйтесь, веру непорочно соблюдши.

Радуйтесь, страсти Христове последовавши;

радуйтесь, смерть Христову смертью своею подражавши.

Радуйтесь, силою Воскресшаго державу адову поправши;

радуйтесь, победныя венцы приемши.

Радуйтесь, прехвальни мученицы Христовы девяточисленнии.

Кондак 2

Видяще идолов исполнен град Кизический, вы, о богомудренное мучеников Христовых сочетание девяточисленное, возмутитесь духом и, ревностию о Боже горяще и благодатию Божественною укрепляеми, начасте провещавати и учити о имени Господа Иисуса, заблуждение идольское обличающе. Людие же, тьмою неверия ослепленнии, взяша вас абие и связанных, аки злодеев, градскому в Кизице князю на истязание представивша; вы же стасте пред

нечестивым князем и, оболкшеся во вся орудия Божия, яко воины Христовы вернии, никакоже отступите от взбраннаго Воеводы, Господа своего, зывающе Ему: Аллилуиа.

Икос 2

Разумевающе, страсотерпцы Христовы, яко претерпевый до конца спасен будет, терпением текосте на подлежащий вам подвиг, и взирающе на Начальника веры и Совершителя Иисуса, муки и терзания телес ваших претерпели есте, радующеся и красующеся ранами, яже подъяли есте за любовь ко Господу вашему, темже зовем вам:

Радуйтеся, Христа Господа возлюбившии;
радуйтеся, за Распявшегося на Кресте пострадавшии.
Радуйтеся, поношения в торжество веры обратившии;
радуйтеся, мук терпением Агнцу уподобившиися.
Радуйтеся, яко блаженна земля, напоившаяся кровьюми вашими;
радуйтеся, яко пред очима Божиими суть подвизи ваши.
Радуйтеся, души своя любовью за Христа положившии;
радуйтеся, излившешюся Христа ради кровию прославлении.
Радуйтеся, прехвальнии мученицы Христовы девяточисленнии.

Кондак 3

Силою Божиею укрепляеми, мученицы девяточисленнии предивнии, не убоятеся прещений зловернаго князя Кизического, ниже козней невидимаго князя мира сего, но свидетельствовали о Христе Иисусе, усты вашими исповедающе Того истиннаго бгита Бога, Той бо даде вам уста и премудрость, имже не можаше что противу отвещати мучитель, но посрамляшеся, истиною побеждаемый. Темже ужасяхуся людие, видяще ваше доблественное терпение, и познаваху на вас силу и помощь всеильнаго Бога, Емуже зываесте: Аллилуиа.

Икос 3

Имуще в памяти словеса Господня: и влас главы ваша не погибнет, веровали тако: не токмо власы, Христа ради терзаеми, цели явятся во славе воскресения, но и самое тело, раны и раздробление за Христа претерпевшее, цело востанет со славою мною. Сего ради, страсотерпцы Христовы досточуднии, верою укрепляеми и о надежде славы Божия хвалящеся, доброе течение

мученическаго подвига совершите и души своя святыя в рuce Бoга предасте, темже и мы возносим вам сия песенныя хвалы:

Радуйтесь, непобедимо пред мучители ставшии;
радуйтесь, пречудным мужеством смерть поправшии.
Радуйтесь, вечныя блаженныя жизни сопричастнии;
радуйтесь, надежду воскресения явившии.
Радуйтесь, яко Христос преобразит тело смирения вашего;
радуйтесь, яко будет оно сообразно телу славы Его.
Радуйтесь, во светлостех святых пребывающии;
радуйтесь, со Ангелы песнь победную воспевающии.
Радуйтесь, прехвальнии мученицы Христовы девяточисленнии.

Кондак 4

Мучиму ти за святую веру во Христа Господа, Феогниде, буря искушений и бед не возможе поколебати храмины души твоея, основана бо бе на Камени, Иже есть Христос, Сын Бoга Живаго; ни темничная заключения, ни жестокая жилами биения, ни ногтьми безжалостная стружения не отторгоша тя от Христа, но в страдании крепок и струями кровей своих, яко багрянницею, одяян, сердечное око к Богу вперив, воспевал еси Ему: Аллилуиа.

Икос 4

Слышавше грозное повеление владыки нечестиваго, да отвергнетесь Христа и жертвы принесете идолом, видяще же мучительская орудия, уготованная на вы, страстотерпцы достославнии, помыслисте день Второго пришествия на землю Владыки Христа и нестерпимый гнев суда Его, и предастесь на раны и муки Царствия ради Небеснаго. Примите убо, воины Христовы, неодоленнии в терпении мнозе, от нас хвалёбныя песни сия:

Радуйтесь, помянувшии словеса Господня, яко отвергшийся отвержен будет пред Ангелы Божии;

радуйтесь, внимавшии глаголанном от Христа: не убойтесь убивающих тело.

Радуйтесь, рекшии сами себе: мучительства ярых человек временна суть;

радуйтесь, увещавшии друг друга: муки геенския вечны, всяко да избудем их.

Радуйтесь, яко речет вам Слово Отчее: приидите, благословеннии Отца Моего;

ра́дуйтеся, яко возгласи́т вам Царь Сла́вы: насле́дуйте уготованное прѣжде век Ца́рство.

Ра́дуйтеся, раби́ Христовы, ве́рнии да́же до сме́рти;
ра́дуйтеся, яко возда́де вам Госпо́дь венѣц живота́.

Ра́дуйтеся, прехва́льнии му́ченицы Христовы девяточи́сленнии.

Кондак 5

Боготѣчная звездá, путево́дящая к Сólнцу Пра́вды, Христу́ Бо́гу, яви́лся еси́, святы́й му́чениче Ру́фе, и све́том по́двига твоегó страдальческаго возсия́л еси́ лю́дем, во тьме неве́рия сидя́щим, си́ла бо благода́ти Госпо́дни в немо́щи твоѣй соверша́шеся. И́бо связа́нный по рука́ма и нога́ма безче́стие и поруга́ние претерпе́л еси́, на му́ки дерзну́л еси́ и жи́зни не пощаде́л еси́ за Го́спода своегó, но, же́злием и бичи́ узла́ты жесто́ко би́ен быв и огне́м опаля́емь, взыва́л еси́ к Спа́су велегласно: Аллилу́иа.

Икос 5

Ви́девше себе́ в у́зах за и́мя Го́спода Иису́са Христа́, Егóже вы возлюбите́ и в Него́же ве́ровасте, о страдальцы́ Христовы девяточи́сленнии, Ду́хом Святы́м в ско́рби и тесно́те темни́чней утеша́емь, ра́дующеся, друг ко дру́гу глаго́ласте: ста́нем небо́язненно ко вся́кому муче́нию, умрем о Христе́, да во вся ве́ки поживе́м с Ним, ликую́ще непреста́нно. Те́мже, по́двиги ва́ша чу́дныя сла́вяще, восхваля́ем вас си́це:

Ра́дуйтеся, огне́м искуше́ния очище́ннии;

ра́дуйтеся, благода́ти Свята́го Ду́ха сосу́ди избра́ннии.

Ра́дуйтеся, клевету́, му́ки и скорбь претерпе́вшии;

ра́дуйтеся, правду, мир и ра́дость о Ду́се Свя́те стяжа́вшии.

Ра́дуйтеся, Ду́хом Влады́чним утвержде́ннии;

ра́дуйтеся, у́жасы мучи́лища презре́вшии.

Ра́дуйтеся, в твёрде́й ве́ре о Го́споде спасе́ннии;

ра́дуйтеся, ве́чныя нам ра́дости ходата́и благоприя́тнии;

Ра́дуйтеся, прехва́льнии му́ченицы Христовы девяточи́сленнии.

Кондак 6

Пропове́дник Христо́ва нас ра́ди страда́ния яви́лся еси́, му́чениче святы́й Антипа́тре, к столбу́ бо привя́зан и терно́вными ро́згами би́ен, сообра́зен был еси́ Христу́ Го́споде. Сего́ ра́ди взира́л еси́ к Не́му, нас ра́ди Уязвленному́ и Поруганному́, и, терпя́ за Него́ мно́гия му́ки, воспева́л еси́ Ему́, Влады́це твоemú, от любве́ крѣпкия: Аллилу́иа.

Икос 6

Осиясте, святїи девяточїсленнии страсотѣрпцы, град Кїзик добродѣтельми христіанскими, яко светоносных звезд схождѣнием, и просветїсте ночь глубокую идолослужѣнія. Христос бо Господь манием Своим Божественным послал вас, яко овцы посреде волков; вы же Агнцу Христу, волею закланному за мир, истиннии послѣдователие покажетесь, мудростию в Дусе Святе просвещаемии, о скоротечнем нерадїсте, о муках небрегосте и вечныя ради жїзни правую веру соблюдоште. О сем дивящися, вопїем к вам сїце:

Радуйтєся, мудрии яко змїя, по слову Господню, бѣвшии во благое;

радуйтєся, цѣлии яко голубие и простиїи во злое.

Радуйтєся, подобящїися Христу, сердцем кротциїи и смиренниїи;

радуйтєся, претерпѣвшии кротко досады и укорѣнія.

Радуйтєся, яко в злостраданиих не протївистєся вас озлоблявшим;

радуйтєся, яко овцы смиренїи представшиїи заколавшим.

Радуйтєся, сердца ваша вверившиїи руце Божїей;

радуйтєся, блаженниїи наслѣдницы земли живых.

Радуйтєся, прехвальниїи мученицы Христовы девяточїсленниїи.

Кондак 7

Хотя враг спасенїя рода человѣческаго устрашити тя, небоязненнаго воина Христова, страсотѣрпче святїй Феостїше, подвиже на гнев и ярость злочестиваго князя града Кїзика, иже повелѣ люте мучити тя; ты же, бїен бѣв палицами без пощаденїя, чрепы строган и рожны избодѣн, благодарил еси Христа, яко сподоби тя мученїя приимати славы ради имене Его святаго. Силою бо Божїею укрепляемь, разорил еси совет невидимаго врага и верно воспеваше Богу: Аллилуїа.

Икос 7

Дивный Христос Бог и прославляемый во святых Своих дарова вам, мученицы, не токмо единомудренне в Него веровати, но и ходити единомышлѣнием в добрем исповѣданиїи Божества Его, наипаче же по Нем пострадати. Христос бо собрал вас, пресветлое мученическое воинство, в сонм единокорный и пребысть с вами, темже услышасте от Него такоя:

Радуйтєся, собранниїи во имя Моѣ, яко есмь посреде вас;

радуйтєся, в мире скорбниїи, яко Аз победих мир.

Радуйтєся, на аспида и василїска наступившиїи;

ра́дуйтесь, льва и зм́я попра́вшии.
Ра́дуйтесь, благода́тию Моёю мучи́телем противоста́вшии;
ра́дуйтесь, дела́ Моя́ и бо́льшая сих сотво́ршии.
Ра́дуйтесь, я́ко Аз сло́во ва́ше утвержда́ю последствую́щими
зна́меньями;
ра́дуйтесь, я́ко во вся дни до сконча́ния ве́ка Аз есмь с ва́ми.
Ра́дуйтесь, прехва́льнии му́ченицы Христо́вы девяточи́сленнии.

Кондак 8

Странноужа́сную и жесто́кую ше́ствовал еси́ стезю́, Артэмо,
му́чеником сла́во, к колеси́ привязан быв и свёрху горы́ низпу́щен.
Уди твой сокруши́шася у́бо, путь же твоего́ страда́ния све́тло сия́ет,
Све́та Незаходи́мага луча́ми озаре́н, я́бо ко Го́споду непреста́нно
мы́слию и любóвию привязан был еси́, Емуже́ с тобо́ю поём:
Аллилу́иа.

Икос 8

Весь сонм ваш, му́ченицы святы́и девяточи́сленнии, наде́жду на
Христа́ Бо́га возложи́, я́ко да при́зрит со мно́жеством святы́х А́нгел на
по́двиг ваш и по́мощь низпосле́т. Ве́рен же Бог, И́же не оста́ви вас
искуситися па́че, е́же мого́сте, но сотвори́ со искуше́нием и
избавле́ние, те́мже приимите́ от нас похва́лы сия́:

Ра́дуйтесь, я́ко Бог утэ́ши вас во вся́цей ско́рби ва́шей;
ра́дуйтесь, я́коже избы́точествоваху в вас страда́ния Христо́ва.
Ра́дуйтесь, я́ко Хри́стом избы́точествова и утеше́ние ва́ше;
ра́дуйтесь, я́ко вся возмо́госте о укрепившем вы́ Иисусе́.
Ра́дуйтесь, я́ко си́ла Христо́ва всели́ся в вы́;
ра́дуйтесь, я́ко любы́ Бо́жия излия́ся в сердца́ ва́ша Ду́хом Святы́м.
Ра́дуйтесь, я́ко дарова́ся вам упова́ние сла́вы Бо́жия непосты́дное;
ра́дуйтесь, я́ко ничто́же возмо́же от любве́ Бо́жия вас разлучи́ти.
Ра́дуйтесь, прехва́льнии му́ченицы Христо́вы девяточи́сленнии.

Кондак 9

Все те́ло твоё уязвено до косте́й имёл еси́, до́брый страда́льче
Ма́гне, егда́ мучи́тель, обнажив́ тя, на земли́ простре́ и бия́ше по
хребту́ без ми́лости и по чре́ву надолзе́, та́же клещми́ разжжёнными
терза́ше тя. Госпо́дь же, невидимо́ю си́лою тебе́ сопрису́тствуя,
облегчава́ше боле́зни твоя́ и утвержда́ше се́рдце твоё в терпе́нии и
любви́ Божественней, те́мже в му́ках воспева́л еси́ Хри́сту́ Бо́гу:
Аллилу́иа.

Икос 9

Ветии многовещаннии не возмогут изрещи вам достойныя хвалы, мученицы Христовы девяточисленнии, мечем бо преклоните вы ради Преклоньшаго небеса и сошедшаго, и излийте кровь вашу, общницы Сего страстей бывше. Мы же, недостойнии, сия песенныя дары приносим вам, глаголюще:

Радуйтесь, яко Христос даде вам Свою чашу страданий пити;
радуйтесь, яко крещением Его крестным креститесь.
Радуйтесь, яко вечную славу и одеяние нетления от Него прияете;
радуйтесь, яко в сокровищницы небесныя внидете.
Радуйтесь, Бога вседушно возлюбивши;
радуйтесь, веру в муках сохранивши.
Радуйтесь, со Христом пострадавши;
радуйтесь, с Ним и прославльшиися.
Радуйтесь, прехвальнии мученицы Христовы девяточисленнии.

Кондак 10

Ко Спасителю любовью разжигаем, Феодоте мучениче, огня сильнейший явился еси. На сковраду, вельми разжжѣну, наг возложенный, таже в клочущий коноб вверженный, опаление и муку горькую доблественне приял еси; от любви же Христовы никакоже разлучився, Тому пел еси умиленно: Аллилуиа.

Икос 10

Царю Предвечному Христу во всем послушливи бывше, мученицы многострадальнии, от различных мест и стран в Кизице собратесе во едином, и, во град вшедше, Христа Сына Божия, во плоти пришедшаго, проповедаете, славнии, и без страха слово Божие глаголасте. Егда же людие града Кизика благовествования Христова не прияша, вас же мукам и казням и лютей смерти предаша, вы, благовестницы Божии, исходяще оттуда не телом, но душею, не прах, прилепшии вам от града, оттрясите им от ног ваших, но брѣнная телеса ваша, за благовестие Христа умученная, остависте во свидетельство на ны в день судный, темже благоговейно взываем вам:

Радуйтесь, христопоследовательными стопами во град Кизик шествовавшии;
радуйтесь, благоуветливыми словесы Евангелие Христово возглашавшии.
Радуйтесь, Бога воплощенна проповедавшии;
радуйтесь, горькия муки за Него в сладость вменившии.

Ра́дуйтеся, честно́ю смёртию от сётей ловящих избáвльшиися;
ра́дуйтеся, ч́истыми душа́ми в селéния райская возлетéвшии.
Ра́дуйтеся, течéние м́ученическаго пóдвига дóбре скончáвшии;
ра́дуйтеся, véру соблю́дшии и венéц прáвды прия́вшии.
Ра́дуйтеся, прехвáльнии м́ченицы Христóвы девятóчисленнии.

Кондак 11

Пéние принóсим тебé, Фавмáсие м́чениче, яв́ил бо ес́и кр́пкое терпéние и пóдвига дóблесть, прилагáху бо тебé нем́лостивии мучíteлие рáны к рáнам и болéзни к болéзнем, ножéм избо́даху и рéзаху плоть твою́, ещé же и копиéм рéбра твоя́ лóте пронзóша. Ты же, м́чениче Фавмáсие, сообразен быв Христú Гóсподу, на Крестé копиéм в рéбра прободéнному, глаго́лал ес́и, раду́ясь и слáвя Бóга: Аллилу́иа.

Икос 11

Светоприéмная богоси́янная свещá с́ущим во тьме невéрия и многобóжия йдо́льскаго яв́шася нетлéнная телеса́ ва́ша, свят́ии девятóчисленнии м́ченицы. Егдá вели́кому Констант́ину воцар́ившуся, престá гонéние и свет благочéстия возсия́ по вселéнней, тогда́ бо в Ќизице, во хра́ме ва́шем мно́гая чудеса́ и исцелéния от свят́ых мощéй ва́ших б́ыша, и тогó ра́ди мно́жество наро́да невérнаго обра́щáхуся ко Христú. Тёмже в похвалу́ ва́шу зовéм:

Ра́дуйтеся, я́ко чудодéйствующую благодáть узрéша лю́дие гра́да Ќизика;

ра́дуйтеся, я́ко многоцелéбныя мо́щи ва́ши привлекóша к véре во Христá.

Ра́дуйтеся, я́ко йдо́льстии ка́пища в Ќизице сокруш́ишася;

ра́дуйтеся, я́ко в тех мéсто хра́ми Бóжии воздви́гóшася.

Ра́дуйтеся, я́ко свят́ыя мо́щи ва́ша знáмя побéдное всем яв́шася;

ра́дуйтеся, я́ко чудеса́ предивным сия́нием véрных озар́иша.

Ра́дуйтеся, я́ко véлиею ва́шею с́илою д́ухи злóбы прогоня́ются;

ра́дуйтеся, я́ко дерзнове́нием ва́шим проше́ния притека́ющих исполня́ются.

Ра́дуйтеся, прехвáльнии м́ченицы Христóвы девятóчисленнии.

Кондак 12

Благодáть Божéственная укрепля́ше тя в м́ченичестем пóдвиге, Филимóне страсотéрпче: за рéбра багрóм желéзным поцéпленный и на дрéве ужáсно повéшенный, непреклóнен преб́ыл ес́и во

исповѣданіи Христа и Бѳга, воспева́я Ему́ хвалѣбную песнь:
Аллилу́иа.

Икос 12

Пою́ще мно́гая и пресла́вная чудотворѣнія ва́ша, восхваля́ем вас, всехва́льнии му́ченицы Христо́вы девяточи́сленнии. Егда́ бо в Кі́зице благове́рнии христиа́не телеса́ ва́ша, из-под спѹда земна́го изъѣмше и нетле́нная обрѣтше, в храм, во і́мя ва́ше созданны́й, внесо́ша, тогда́ чудеса́, я́ко свѣтлии лучи́, возсіяша от святы́х мощѣй ва́ших. Мы же, любѳвию воспева́юще да́нную вам от Бѳга благода́ть исцелѣний, зове́м:

Ра́дуйтесь, чуде́сныя целѣб исто́чницы;
ра́дуйтесь, духо́в нечи́стых прогонітелие.
Ра́дуйтесь, сля́ченных целітелие;
ра́дуйтесь, тряса́вичных уврачевателие.
Ра́дуйтесь, от водна́го труда́ изба́вляющии;
ра́дуйтесь, всякую́ болѣзнь отгоня́ющии.
Ра́дуйтесь, я́ко имена́ ва́ши пресла́вны;
ра́дуйтесь, я́ко мо́щи ва́ши целѣбны.
Ра́дуйтесь, прехва́льнии му́ченицы Христо́вы девяточи́сленнии.

Кондак 13

О́ добропобѣднии и многострада́льнии му́ченицы Христо́вы девяточи́сленнии, ми́лостивно прииміте от нас грѣшных, возно́симое вам ны́не хвалѣбное песносло́вие; и, я́ко предстоятелие го́рняя сла́вы, имѹщии дерзнове́ние мно́гое ко Христу́ Бѳгу на́шему, помяніте нас недостѳйных, ублажа́ющих вас любѳвию и чтѹщих ва́ша чу́дныя по́двиги; испросіте нам у Го́спода оставле́ние грехѳв, в ве́ре утвержде́ние, в до́брых дѣлах укрепле́ние, от бед и напа́стей избавле́ние, да всегда́ благодарными усты́ воспева́ем Бѳгу: Аллилу́иа.

Молитва.

(Данная молитва содержится в сборнике: Молитвы Господу Богу, Пресвятей Богородице и святым угодником Божиим, чтומья на молебных и иных последованиях. Петроград: Синодальная типография, 1915).

О́ всехва́льнии святіи му́ченицы, до́блественнии раби́ Христо́вы, Феогніде, Ру́фе, Антипа́тре, Феостіше, Артѣмо, Ма́гне, Фавма́сие, Феодо́те и Филимо́не! Вы Христа́ ра́ди от разли́чных стран собра́стесь и Того́ соверше́ннаго Бѳга и Челове́ка дерзнове́нно в Кі́зице

проповéдасте, и принуждáеми бývше пожрети кумíром, íдолы попрáсте и князя посрамíte, разлúчных же томлénий и óгненнаго прещénия не убóястеся, и по разлúчном страдánии остриём мечá посечéни бýсте, и кровь свою́ я́ко вóду за Христá проли́ясте, и то́ю я́ко багрянíцею Цёрковь Христóву украсíte: тёмже и ны́не, неувядáемым венцём безсмёртныя сла́вы увенчáни, в неизглагóланней рáдости с лúки áнгельскими в небéсных селénиих водворя́етеся, Божéственным свётom облистáеми и зрénием Егó добрóты неизречénныя наслажда́ющеся. Сегó рáди и мы смирénнии к вам притекáем, и умилénно на святýй ваш óбраз взира́юще, мо́лим вы: молíte за ны́ Христá Бóга, я́ко дерзновénие к Немú имúщии, да вáшими святýми молítвами от вся́каго недúга и врéда душéвнаго и телéснаго избáвимся, вам бо от Бóга дадётся врачéбный дар от вся́ких скорбéй с вéрою к вам припада́ющыя целíti, я́коже и óнаго сла́внаго мýжа от тряса́вичныя болéзни уврачевáсте: да и мы вёрнии, тóжде получívше, почитáем вас, святíи мученицы, то́лика даровáния имúщих от Христá Бóга, Емúже и сла́ва кúпно со Отцём и Святýм Дúхом, всегда́, ны́не и прúсно и во вéки векóв. Амíнь.

Молитва ина.

Ó вели́цыи угóдницы Бóжии, святíи мученицы Христóвы: Феогнíде, Рúфе, Антипáтре, Феостíше, Ма́гне, Артéмо, Фавмáсие, Феодóте и Филимóне! Вы Царя́ Христá вёрнии слúги бýсте и подвигом дóбрым подвизáстеся, претерпéвше за Негó мýки; тёмже, по нелóжному Егó глагóлу: иде́же есмь Аз, ту и слугá Мой бúдет, - и вы ны́не со Áнгелы предстоíte Влады́це Христú и с высоты́ небéсныя сла́вы призира́ете мýлостивно на моля́щихся вам [или: на храм сей и на моля́щихся в нем].

Умолíte úбо Гóспода Сил Цёрковь Егó Святúю и Отéчество нáше сохранíti от напáстей и бед, от всех враг вíдимых и невíдимых, низложíti прéлесть невéрия и безбóжия и ста́до Христóво избáвити от волкóв, гúбящих é, глагóлющих лука́вое бýти дóброе, и дóброе лука́вое, полага́ющих тьму свет, и свет тьму; от шатáния умóв и от грехóвнаго душ разслаблénия.

Богодаровáнную благодáть чудéс вáших, мученицы Христóвы девятóчисленнии, прострíte ко всем нам, вéрою к вам прибега́ющим, и вся нáша недúги душéвныя и телéсныя уврачúйте, и вся прошénия нáша во блáго испóлните.

Ей, страсотѣрпцы святїи, молїте за ны Г'оспода, да низп'ослет нам Божественную благодать и дар Святаго Духа, всегда немощная врачующаго и оскудевающая восполняющаго, во еже соделовати нам спасение свое и избавитися нам от сѣти вражия и грехов, и помилватися душам нашим, да и мы купно с вами и всеми святими прославим Бога в Троице славиимаго, Отца и Сына и Святаго Духа во веки веков. **Аминь.**